

SCRIPT OF EVENING GOJRI NEWS BULLETIN 4OCT 1700 HRS

ایونینگ گو جری نیوز بلیٹن مو رخہ 4 اکتوبر 2025

یوہ آکا شوانی جموں ہے نصرت چوہدری تے طارق ابرارتیں خبر سُنو۔

HEADLINES

۱۔ وزیراعظم نریندر مودی نے تعلیم، ہنرتے کاروبار نانہہ فروغ دین واسطے 62 ہزار کروڑ روپیہ تیں زیادہ مالیت تیں نوجواناں واسطے، متعدد اسکیم متعارف کرائیں۔

۲۔ وزیرجل شکتی جاوید رانا نے مینڈھری نالہ ور نچلاپل واسطے رسائی سڑکاں گی تعمیرگی بنیاد رکھی۔

۳۔ سرینگر پولیس نے نامزد دہشت گردگی 2 کروڑ مالیت گی جائیداد ضبط کی۔

۴۔ جموں و کشمیر تعلیمی محکمہ نے دسویں کلاس گا امتحان واسطے تاریخ غوشیڈیول جاری کیوئے نومبر 3 تیں امتحان شروع وین گاجس مانہہ 15 فی صد نصاب مانہہ رعایت دتی گئی ہے۔

۵۔ جموں کشمیر حکومت نے خطرناک منجمد تے ٹھنڈہ گوشت گی خرید و فروخت وریابندی عائد کی ہے۔

PM KAUSHAL DIKSHAT

وزیراعظم نریندر مودی نے اج مختلف نوجواناں واسطے اقدامات گو اعلان کیو۔ جس گی مجموعی لاگت 62 ہزار کروڑ روپیہ تیں زیادہ ہے۔ اس تیں ملک بھر مانہہ تعلیم، ہنرمندی تے کاروبار نانہہ فروغ لے گو دہلی گا وگیان بھون مانہہ منعقدہ کوشل دکشتت سماروہ مانہہ وزیراعظم نے پردھان منتری گا ہنرمندی تے روزگاری بہتری گامنصوبہ، آئی ٹی آئی، پی ایم سیٹل گو آغاز کیو۔ اس موقع وزیراعظم نے کہیو کہ ہنرمندی قومی تعمیر مانہہ اہم کردار ادا کرے۔ انہاں نے کہیو کہ ان غی حکومت نوجواناں نانہہ ہنرتے جدت و مرکز کرگے Byte مستقبل گی قیادت واسطے تیار کر رہی ہے۔ انہاں نے مزید اس طرح کہیو۔

RANA ROADS

جل شکتی تے قبائلی امور گا وزیر جاوید احمد رانا نے اج مینڈھری نالہ ور بنن آلا پل واسطے پُجن آلا رستاں گی تعمیر غی بنیاد رکھی۔ اس منصوبہ گی لاگت تقریباً 3 کروڑ 39 لکھ 20 ہزار روپیہ ہے تے یوہ سڑک بارے محکمہ گی طرفوں مکمل کیوجے گو۔ وزیر نے ایگزیکٹو انجینئر، آرائنڈی نانہہ ہدایت دتی کہ منصوبہ مقررہ مدت مانہہ تے بغیر کسی اضافی Byte لاگت گے مکمل کیوجے۔ اس موقع ور گل کرتاں واں وزیر جاوید رانا نے اس طرح کہیو۔

PROPERTY ATTACHED

سرینگر پولیس نے ایک ترے منزلہ رہائشی مکان نانہہ ضبط کرلیو ہے جہڑو 15 مرلہ زمین ور روز اونیو ایچ ایم ٹی علاقہ مانہہ بنایو وی ہے یوہ مکان نامزد دہشت گرد سجاد احمد شیخ عرف سجاد گل غا والد غو ہے پولیس غے مطابق پاہ جائیداد گلام محمد شیخ ولد کھواجہ انور شیخ غا ناں ور درج ہے جہڑو سجاد گل غو والد ہے تے اس غی قیمت تقریباً 2 کروڑ روپیہ ہے یہ کاروائی ایف آئی آر نمبر 2022/235 غے تحت کی گئی ہے جہڑی پولیس سٹیشن پارم پورہ مانہہ درج ہے جس

مانہہ 13,38,20 یو اے پی اے ایکٹ تے ای آئی ایم سی او 3/2 ایکٹ غی دفعات شامل ہیں۔

HEALTH ADVISORY

صحت و خاندانی بہبود غی مرکزی وزارت نے تمام ریاستاں تے مرکزی زیر انتظام علاقیاں نانہہ ہدایت جاری کی ہے کہ بچاں مانہہ کھانسی گی دوا گوسمجھداری تے مناسب استعمال نانہہ یقینی بنایو جے۔ تانجے مریض گی حفاظت تے غلط استعمال نانہہ روکیو جاسکے۔
صحت عامہ گی مرکزی ڈائریکٹوریٹ نے کہیو کہ زیادہ تر بچاں مانہہ اچانک کھانسی خود بخود ٹھیک ہو جے، تے عام طور وراس واسطے دوا غی ضرورت نی ہوتی تے 5 سال تیں کہٹ عمر گا بچاں واسطے یاہ تجویز نہیں کی جے۔

ADDL CHARGE

لیفٹیننٹ گورنر منوج سنہا نے اج شیلندر کمار آئی اے ایس افسر نانہہ بجلی ترقیاتی محکمہ گو اضافی چارج سونپیو ہے جی اے ڈی جموں کشمیر غی طرفوں جاری کردی حکم غے مطابق شیلندر کمار جہیڑا فی الحال زراعت پیداوار بارے محکمہ غا مالی کمشنر ہیں ہُن اپنا موجودہ عہدہ غے نال نال اگلا حکم نامہ توڑی بجلی ترقیاتی محکمہ مانہہ انتظامی افسر گو چارج وی سنبھالیں غا۔

JKBOSE EXAM

جموں کشمیر سکولی تعلیم محکمہ نے دسویں جماعت گا سالانہ ریگولر امتحان 2025 گا، اکتوبر۔ نومبر سیشن گو وقت مقرر کیو ہے۔ امتحان 3 نومبر تیں سویرے 11 بجے تیں تیہاڑی غا 2 بجے توڑی ویں گا۔ اس امتحان مانہہ جموں کشمیر صوبہ غا سرد علاقیاں تے لداخ گا تقریباً 95 ہزار طلبہ شریک ویں گا۔ امتحان 27 نومبر نانہہ ختم ویں گا۔ سیلاب تے بھاری بارشاں گی وجہ تیں شیڈیول متاثر ہون وریورڈنے 15 فی صد نصاب مانہہ رعایت دتی ہے یعنی ہن طلبہ نانہہ صرف 85 فی صد نصاب ور امتحان دینو وے گو۔ جہڑو 100 فیصد گے برابر شمار کیو جے گو۔

FROZEN MEAT BANNED

جموں کشمیر حکومت نے فوری طور ور منجمد تے ٹھنڈہ گوشت گی تقسیم کاری تے فروخت ور پابندی لادتی ہے۔ جہڑو خوراک گی حفاظت تے معیار گا قانون 2006 گے مطابق نہ وے۔
خوراک گی حفاظت بارے محکمہ گی کمشنر سمیت سیٹھی نے یوہ حکم جاری کیو ہے۔ کیوں جے خوراک بارے محکمہ نے مختلف جگہاں ور بڑی مقدار مانہہ خراب گوشت نانہہ ضبط کیو۔ غیر محفوظ گوشت نانہہ قانون غے مطابق مکمل طور ور ختم کردتو گیو ہے۔

GST GOODS VEHICLES

سامان گی نقل و حمل، سیکٹر واسطے ایک بڑی راحت دیتاں وں حکومت نے کمرشل گاڈیاں بشمول ٹرک تے ڈیلیوری وین ور جی ایس ٹی گی شرح 28 فی صد تیں کہٹ کر گے 18 فی صد کردتی ہے۔ اس گو مقصد چھوٹا تے درمیانہ درجہ گا گاڈی چلان آلاں غا خرچ نانہہ کہٹ کرنو ہے۔ تے ملک مانہہ سامان گی نقل و حمل نانہہ فروغ دینو ہے۔ اس تیں علاوہ جی ایس ٹی مانہہ کمی تیں ٹرک گی ابتدائی قیمت کہٹ وے گی تے فی ٹن کلومیٹر کرایو وی کٹے گو۔ یوہ

قدم ملک مانہ سامان گی فراہمی گا نظام نانہ بہترتے موثر بنان بارے کیوگیوہے پیش ہے اس
Byte بارہ مانہ ایک رپورٹ۔

CRICKET TEST

کرکٹ مابھارتی ٹیم نے اج نریندر مودی اسٹیڈیم احمد آباد مابہلاٹیسٹ میچ مایسٹ انڈیز ناں 1
پاری تے 140 دوڑاں نال ہرادتو۔ دومیچاں گی ٹیسٹ کرکٹ سیریز مابھارتی ٹیم نے
شاندار کارکردگی گومظاہر کرتاں 1 صفر گی برتری حاصل کرلئی ہے۔ پہلی پاری ما ویسٹ
انڈیز گی ٹیم ناں آؤٹ کرن تیں بعد بھارتی ٹیم نے 448 دوڑاں ور اپنی پاری گواعلان کیو۔ اپنی
دوجی پاری ما ویسٹ انڈیز گی ٹیم 146 دوڑ بناگے آؤٹ ہوگئی۔ محمد سراج تے رویندر جڈیجہ
گی قیادت مابھارتی گیندبازاں نے تیجے تیہاڑے اپنود بدبوقانم رکھیو شاندار کارکردگی واسطے
جڈیجہ ناں مین آف دی میچ قرار دتوگیو۔

WEATHER

جموں کشمیر مرکزی زیر انتظام مانہ آفات بارے محکمہ نے اج موسم بارے ہدایت
ایس ایم ایس غے ذریعے لوکاں توڑی پُجائی ہے اس مانہ دسیو گیو ہے کہ جموں
صوبہ تے جنوبی کشمیر غا کئی علاقان مانہ 5 اکتوبر غی شام تیں 7 اکتوبر غی دوپہر
توڑی پاری بارش ہوسکے کُجھ اُچا علاقان مانہ برف باری غی توقع ہے خاص طور
ور جنوبی کشمیر پیر پنجال تے وادی چناب مانہ اتھارٹی نے مٹی کھسکن تے پتھر
ٹین غا خطرہ بارے آگاہ کیو ہے تے لوکاں تیں احتیاط برتن بارے کیو ہے۔
